



Lefapha la Thutamaleme

Kamogelo ya baithuti bao ba holofetšwego ba dithuto tša ka morago ga tikrii ya mathomo

Dinyakwa tša Mastase wa Bokgabo(MA)

Bjalo ka ge e beilwe ke Fakhalthi ya tša Botho baithuti ba tla nyakwa gore ba-

1. Šomiše mehuta ya go fapana ya bokgoni bjo bo tseneletšego go hlatha, sekaseka le go šogana le mathata le ditaba tšeo di raranego ba tšea ka tatelano le ka go hlola diteori, mekgwa ya nyakišišo, ditsela/thekniki, dingwalo le didirišwa tša dirutwa/mafapha a bona a go ikgetha.
2. Šoma ba nnoši le go tšea maikarabelo a mešomo ya bona le go ikarabela go mešomo ya ba bangwe ge ba šoma ka sehlopha.
3. Laola go ithuta le tlhabollo ya profešenale ya dithuto.
4. Bontšhe bokgoni bja godimo bja go hwetša tshedimošo le go e šomiša go hlatha, sekaseka, tšweletša le le lekola o nnoši data ya bontši le goba/ya boleng, o šomiša Theknolotši ya Kgokaganyo ya Tshedimošo ya maleba (ICT).
5. Bontšhe tshedimošo ya go ikgetha ya kakaretšo, ya tatelano le yeo e kopanego ya lefapha/serutwa ka kwešišo ya go hlakana le ya tshekatsheko ya diteori, mekgwa ya dinyakišišo, diteori tša tsebo, le mekgwa/thekniki tša maleba go dirutwa/mafapha a bona a go ikgetha.
6. Lekola mešomo le mananeo a bona le a ba bangwe kgahlanong le ditsela tša go fapana.
7. Fana le go phatlalatša dipolelo tša nyakišišo ka go boledišana le dirutegi/diprofešenale, le go tšweletša thesisi goba pego ya nyakišišo yeo e fihlelelago maemo a dirutegi/go ngwala/polelo ya profešenale.
8. Sekaseka le go lekola dinyakišišo tša bjale le go kgathatema ka go dingangišano tša dirutegi, tšeo di šoganago le teori le tirišo, ka go mafapha a go ikgetha a dithuto tša botho le tša disaense tša leago.
9. Hlama bokgoni bjo bo tseneletšego bja tšhomišo ya mehuta ya nyakišišo, ditsela/dithekniki le ditheknolotši tšeo di lego maleba ka go lefapha la go ikgetha la disaense tša botho le tša leago.
10. Beakanya, phethagatša le go ngwala nyakišišo, tebedišišo goba tlhabollo ka go lefapha la go ikgetha la disaense tša botho le tša leago ka fase ga tlhokomelo e nngwe.

Dinyakwa tša tikrii ya Bongaka ya Dingwalwa le Filosofi (DLitt et Phil)

Bjalo ka ge e beilwe ke Fakhalthi ya tša Botho baithuti ba tla nyakwa gore ba-

1. Šomiše tsebo, teori le mehuta ya nyakišišo le mekgwa ya nyakišišo/dithekniki tša go hlama tirišo ya go raragana, ya teori le ya mathata a teori ya tsebo.
2. Tšweletša mošomo o montši, wa go ikema, wo o tseneletšego e bile o gatišega wo o bonwago e le o moswa le/goba e le wa maemo a godimo ka lefapheng la go ikgetha.

3. Šoma ba nnoši le go tšea maikarabelo a mešomo ya bona le dipoelo tša wona le go tšea boikarabelo bjo bontši go mešomo ya ba bangwe.
4. Bontšha bohlale bja boikemo, boetapele bja dinyakišišo le taolo ya nyakišišo le nyakišišo ya godimo le tllhabollo ya nyakišišo ka go disaense tša botho le tša leago.
5. Bontšhe bokgoni bja godimo bja go hwetša tshedimošo le go e šomiša, ba šomiša Theknolotši ya Kgokaganyo ya Tshedimošo ya maleba (ICT).
6. Bontšhe tsebo le bokgoni bja maleba bja go ikgetha bjo akaretšago, bja tatelano le phihlelelo yeo e kopanego yeo e lego pele ka go lefapha la disaense tša botho le leago le lefapha la go ikgetha la profešenale
7. Bontšhe kwišišo e bohlokwa ya mehuta ya nyakišišo ya godimo, mekgwa/dithekniki ka go dirutwa/lefapha la boikgetho le go kgathatema ka go dingangišano tša ditsebi tšeo di lego pele ka moo.
8. Lekola mešomo ya bona le ya ba bangwe go ya le ka tsela ya boikemo.

Dipeelano tša Lefapha

Gore dikgopelo tša kamogelo go dithuto tša MA le DLitt et Phil ka go Tšhomišo ya Maleme, komiti ya lefapha la dithuto tša ka morago ga tikrii ya mathomo e tla, magareng ga mabaka a mangwe, ba tla hlokomela bokgoni bja mokgopedi gore o fihlelela dinyakwa tšeo di beilwego ka mo godimo. Baithuti ba swanetše gore gape ba obamele dipeelano tše latelago tšeo di beilwego ke Lefapha la Thutamaleme:

1. Bahlahlobiwa ba dithuto tša mastase ba swanetše go ba ba phethile tikrii ya onase ya Thutamaleme goba Tšhomišo ya Maleme goba ka lefapheng la maleba bjalo ka dithuto tša maleme, le go hwetša moputso wa palomoka wa bonnyane bja 65%.
2. Ge mohlahlobiwa a ena le tikrii ya mengwaga e mene gomme a se na le dirutwa tše go boletšwego ka tšona ka mo godimo bjalo ka tše e lego tše bohlokwa (go fihla go maemo a ngwaga wa boraro) goba maemo a onase, eupša e akaretša dirutwa tša go swana le (mohl. Dithuto tša Poledišano goba Thutamaleme ya Antropolotši) bjalo ka serutwa se bohlokwa le moputso wa 65% goba go feta ka serutwa se bohlokwa, kgopelo ya gagwe ya kamogelo go tikrii ya mastase ba tla elwa hloko ke Lefapha la Thutamaleme ge fela Komiti ya Fakhalthi ka go Ela Hloko Go Ithuta Ga Pele(RPL) e digela. Go ya le ka serutwa se bohlokwa le setheo sa thuto ya godimo seo se abilego tikrii, Lefapha la Thutamaleme le na le tokelo ya go kgopela mokgopedi gore a iše mangwalo a gagwe a dithuto gore a ye go lekolwa ke ba SAQA.
3. Bahlahlobiwa ka moka bao ba swerego mangwalo a dithuto a ka ntle (ao a nago le dirutwa tšeo di boletšwego ka mo godimo e bile ba fihlelela senyakwa sa 65% goba sa go lekana), ba swanetše gore ba hwetše pele tekolo ya SAQA ya ditikrii tša bona pele ba ka romela kgopelo ya kamogelo go MA ka go Tšhomišo ya Maleme ka mo UJ.
4. Ka go mabaka a maleba a go ikgetha kudu moo mokgopedi a nago le tikrii ya onase yeo e se nago le e tee ya dirutwa tše di lego ka godimo eupša a tšere Thutamaleme bjalo ka serutwa se bohlokwa mo go tikrii ya mathomo e bile a hwetša bonnyane bja 70% ka Thutamaleme ka go ngwaga wa boraro, kamogelo go MA ya Tšhomišo ya Maleme e ka no elwa hloko. Go mabaka a bjalo Lefapha le swanetše go fetišetša kgopelo go Komiti ya RPL ya Fakhalthi go hwetša tlhahli.

5. Bahlahlobiwa ba tikrii ya Bongaka ba swanetše go ba le tikrii ya mastase ka go dirutwa dife goba dife tšeo go boletšwego ka tšona ka mo godimo, ka moputšo wa bonnyane bja 65%. Go mabaka a MA yeo e beakantšwego goba a e rutilego, nyakišišo e swanetše go akaretša bonnyane 50% bja moputso wa mafelelo, le moputso wa nyakišišo e swanetše go ba bonnyane bja 65%.
6. Lefapha le ka no kgopela mohlahlobiwa ofe goba ofe wa dithuto tša mastase goba tša bongaka go romela dikhopi tša mošomo wa go feta wo o ngwadilwego wo ilego wa lekolwa ka mabaka a tikrii. Go mabaka a baithuti bao ba holofetšwego ba MA, ditaodišo tša onase di ka nyakega gore o elwe hlokwe; bahlahlobiwa ba dithuto tša bongaka ka tlwaelo ba tliša dinyakišišo tša bona tša MA. Lefapha la Thutamaleme go nyaka gore le kgotsofatše ke maemo a dithuto tša mohlahlobiwa a mošomo wo o fetilego wa dithuto le bokgoni bja polelo ka go Seisimane goba Seburu.
7. Bahlahlobiwa ka moka bao ba kgopelago kamogelo go dithuto tša mastase goba tša bongaka ka go Tšhomišo ya Maleme ba swanetše go ba gona poledišanong le komiti ya lefapha la dithuto tša ka morago ga tikrii ya mathomo.
8. Lefapha le tla dumelela mokgopedi go ingwadišetša dithuto tša mastase goba tša bongaka ka go Tšhomišo ya Maleme ge fela mohlokamedi wa maleba, mohl. leloko la bašomi yoo a nago le bokgoni ka go lefapha leo moithuti a akanyago go nyakišiša ka go lona, a le gona.

Tshepedišo ya Kgopelo

1. Kgato ya mathomo ka go tshepedišo e nyaka CV ka botlalo le direkoto ka botlalo tša dithuto tša mokgopedi di romelwe go HOD goba go mongwaledi wa Lefapha la Thutamaleme. Dikgopelo di ka romelwa ka sedirišwa sa kgopelo sa elektroniki sa UJ goba ka go ngwala. Moo kgopelo e sa felegetšwego ke rekoto ya dithuto ya moithuti yo a holofetšwego (e bile moo go kgonegago, e be e lekolwe ke ba SAQA), o tla founelwa ke Lefapha gore a tliše dingwalwa pele ga gore kgopelo e elwe hloko.
2. Kgato ya bobedi e ama kgetho ya mathomo ya bahlahlobiwa go ya le ka direkoto tša bona tša thuto. Bao ba fihlelelago dinyakwa tša thuto tšeo di ngwadilwego ka mo godimo, ba ka ya go kgato ya boraro.
3. Ba kgopedi bao ba dumeletšwego, ba tla laletšwa go ba gona poledišanong le maloko a komiti ya Lefapha la Thutamaleme la thuto tša ka morago ga tikrii ya mathomo mo dibekeng tše peditšeo di latelago. Bahlahlobiwa ba ka nyakwa gore ba tliše dikhopi tša mošomo wa bona wa go feta ka poledišanong, le tlhalošo (ya matlala a 1-2) ya kakanyo ya protšeke ya nyakišišo ya bona (ka fase ga sererwa seo *ba* nyakago go nyakišiša ka sona, *ka lebaka la eng*, le ke kgapeletšo bjang. Ge komiti ya dithuto tsa ka godimo ga tikrii ya mathomoe kgotsofetse gore mokgopedi o fihlelela dinyakwa ka moka tša maleba tša kamogelo go MA, komiti e tla hlatha mohlokamedi yo a holofetšwego (goba mohlokamedi le mothušamohlokamedi) wa mahlahlobiwa. Ka ntle le bokgoni bja mohlokamedi, komiti ya dithuto tša ka morago ga tikrii ya mathomo e tla hlahlwa ke tšeo mokgopedi a tla go ba a di tšweleditše e bile a di rata ka ga mohlokamedi. Komiti gape e tla hlokomela nyakego ya go ka phatlalatša morwalo wa mohlokamedi go thibela bašomimmogo gore ba se ke ba šala le mošomo o montši wa go hlokomela MA. Mohlahlobiwa a ka amogelwa fela ge mohlokamedi wa maleba a le gona. Pele ga ge mohlokamedi yo a holofetšwego a ka re la mafelelo a amogela mošomo, o na le tokelo ya go boledišana le mohlahlobiwa yoo ka thoko (go sa lebelelewe gore mohlokamedi ke leloko la komiti ya dithuto tša ka morago ga tikrii ya).

4. Kgato ya bone, yeo e tšeago ke komiti ya dithuto tša ka morago ga tikrii, ke go tsebiša bahlahlobiwa bao ba phomeletšego gore ba amogetšwe lebakanyana ke Lefapha. Legato le le swanetše go fihlelelwa mo dibekeng tšeo di sa fetego tše tharo ka morago ga ge mohlahlobiwa a dirile kgopelo la mathomo ya kamogelo (go sa akaretšwe maikhutšo a yunibesithi le kgwedi ka moka ya Manthole). Kamogelo ya mafelelo ya mohlahlobiwa, ba swanetše go tsebišwa, e bile go tla ya le ka go romela kakanyo ya bona ya nyakišišo yeo e kgotsofatšago (ba šomiša sebopego sa go bewa ke Fakhalthi) yeo la mathomo e dumeletšwego ke mohlokamedi le ka morago ga komiti ya Lefapha ya dithuto tša ka morago ga tikrii ya mathomo.
5. Mo kopanong yeo go boletšwego ka yona, yeo e emelago kgato ya bohlanano ya tshepedišo ya kamogelo, mohlokamedi (ka bo yena) go holofetšwe gore a fane ka kakanyo ya nyakišišo ya mohlahlobiwa. Baithuti ba tikrii ya mastase le ba ya bongaka ba fiwa nako ya dikgwedi tše nne go phetha kgato ye ya mafelelo, ka ntle le ge komiti ya lefapha e tšea sephetho se sengwe. Bahlahlobiwa bao ba palelwago ke go romela (ka tumelelo ya bahlokededi ba bona) kakanyo ya nyakišišo mo nakong ye e beilwego, ba tla ganetšwa ka kamogelo ya mafelelo.
6. Moithuti a ka tšwela pele fela ka boingwadišo bja semmušo le yunibesithi ka morago ga gore komiti ya Lefapha ya dithuto tša ka morago ga tikrii ya mathomo e dumelele kakanyo ya gagwe ya semmušo ya nyakišišo. Le ge go le bjalo, komiti ya dithuto tša ka morago ga tikrii e na le tokelo ya go dumelela baithuti ba mastase goba ba bongaka go ingwadiša pele ga ge ba ka romela kakanyo yeo e feleletšego ya ka ga tiro ya mošomo ya nako e fetilego, kudu ge moithuti yoo a ena le thušo ya mašeleng gomme mpshafatšo e ithekgile ka go ingwadiša gape goba, ge ba filwe tiro ya mošomo ya go feta, o na le monyetla o montši wa gore a fiwe thušo ya mašeleng goba pasari e bile o swanetše go fihlelela matšatši a go tswalela a fakhalthi goba yunibesithi.
7. Komiti ya lefapha ya dithuto tša ka morago ga tikrii ya mathomo ba tla phela ba le gona go šogana le mathata a mabapi le baithuti ba mastase le ba bongaka ao a rometšwego go yona ke bahlokamedi, HOD goba ka sephetho sa go hlakanelwa ka go kopano ya lefapha.

Dikopano tša 2015 tša Fakhalthi tša Komiti ya Ditikrii tša Godimo-

Matšatšikgwedi a nakwana a go tswalelela dithomelo	Letšatšikgwedi la Dikopano tša HDC
12 Dibokwane	2 Dibokwane
14 Mopitlo	4 Mopitlo
23 Mosegamanye	13 Mosegamanye
15 Diphallana	5 Diphallana